



## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCLXXII. ad annum DCCCCIX.

**Parisiis, 1644**

Epistola CCLXXXII. Ioannis Papae VIII. Ad Omnes Archiepiscopos,  
Episcopos, Et Comites Italiae. Hortatur dent operam, vt Carolus imperator  
Angelbergam Romam venire patiatur, quam se ita custoditurum ...

**urn:nbn:de:hbz:466:1-15967**

sancimus, vt quicumque huic nostræ auctoritati, & apostolicæ deliberationi contra stare, aut resistere, aut non obediare, vel, quod absit, electionem ipsius ecclesiæ aliquando peruertere, aut infringere, quam, Deo propitio iuste est assoluta, tentauerit; gladio vtique canonicæ disciplinæ nouerit se ferendum, atque omnipotentis Dei vindictam non evasurum, si digna celeriter non fuerit satisfactione sanatus. Confirmamus denique nostri apostolatus auctoritate, omnes res eiusdem ecclesiæ pacifice, ac quiete perpetualiter possidere. Et quicumque easdem inuaderet ac dissidente ausus fuerit, postquam a proprio episcopo canonice admonitus fuerit, si secundum diuinæ & humanæ leges non emendauerit, sub anathemate sit damnatus.

## EPISTOLA CCLXXXII.

## IOANNIS PAPÆ VIII.

AD OMNES ARCHIEPISCOPOS, EPISCOPOS,  
ET COMITES ITALIÆ.

Hortatur dent operam, vt Carolus imperator Angelbergam Romam venire patiatur, quam se ita custoditum promittit, vt nihil contra ipsum Carolum cum Bonone moliri possit; & si quid tentauerit, se eamdem remissurum pollicetur.

*Omnibus reuerendissimis, & sanctissimis archiepiscopis & episcopis  
huius Italici regni, & omnibus glorioſis comitibus  
filii nostri imperatoris.*

**S**i ea quæ saluti & vtilitati proximorum necessaria sunt, secundum solitudinem & curam gregis dominici nobis ad bene regendum commissi, diuinæ pietatis memorares agere studemus; omnipotentem Deum in his, quibus & ipsi ex humana infirmitate quotidie indigemus, habebimus omnino propitium, & in bonis omnibus procul dubio adiutorem. Igitur sanctitatem vestram nosse volumus quoniam missis, & apostolatus nostri literis, dilecti ac spiritualis filii nostri Caroli glorioſissimi imperatoris clementiam obnixe rogauiimus, vt Angelbergam filiam nostram, quam diuæ memorie Ludouicus rex pater imperatoris, & Ludouicus imperator vir eius nobis Veronæ commendauerunt, ac postmodum ipsa se sancto Petro tradidit, & de

de ipsius altaris confessione tuendam recepimus, de loco in quo nunc esse constat, pro amore Iesu Christi Domini nostri, & pro sanctorum apostolorum Petri ac Pauli reuerentia, nostraque paterna dilectione præsentialiter reduci, & ad nos eam dirigere iubeat. Vnde vos fratres & ministros nostros pio mentis conuenimus atque hortamur affectu, quatenus in huius feminæ reuersione, vel salute nobiscum cooperari, pariterque desudare studeatis; vt vestro consilio, vestroque instanti hortatu, ipse Augustus nostræ petitionis effectum more parentum suorum libenti perficiat voluntate. Nam sicut illud regnum, in quo nunc illa sub custodia manet, eius est; ita & istud: & sicut ibi custoditur, ne aliquod solatum, vel consilium dare, facere que posset Bosoni: ita & nos eam in tali loco habitare faciemus, quo nihil aduersi moliri, nihilque valeat machinari contrarium ad huius regni, & imperii perturbationem. Et si contra eius ac nostram voluntatem aliquatenus eam agere, aut velle cognouerimus; illico ad imperiale remitteremus præsentiam, nec nostro erit amplius adiuta consilio. Quod nimur, vt nobis sine omni dubitatione credatur, vnum ex his legatis nostris venerabilibus episcopis, quos pro ea imperatori direximus satisfaciendo, remittere iussimus ita nos esse incunctanter facturos. Neque enim, sicut cum coepiscopis, & primatibus eius promissum est, nullum temporale adiutorium & consilium iam fato se fore præbituram Bosoni: & quod, sicut prædiximus, diligentissime custodita, non poterit de his omnibus quidquam agere. Idcirco per Dominum vos adiuramus, vt toto conamine in hoc opere nobiscum pro amore Dei desudare, eique manum porrigere procuretis, vt & nos in vestris proficuis vtilitatibus & necessitatibus esse prompti possimus: & cui manum porrigere volueritis, nobiscum omnimodis porrigamus, dignasque vestræ Deo dilecta sanctitati pro vestro labore, atque deuotione gratias habere valeamus.